



# KUKI WORSHIP SERVICE, GUWAHATI

(Estd. 4<sup>th</sup> January, 1998)

*“.....speaking the truth in love, may grow up in all things into Him....” Eph. 4:15*

Ref. No. KWSG/Secy/2019-20

Date: 31/01/2021

## KUMLHUN THULHUT. 2020.

Pathen lungset in 2019 ina galkai thei utoh lhon'in 2020 kumthah, “Lithuh lam'a len sep lhan” ti thupi mangcha'n houbung mipin thanom tah in kumthah lemna kingon ana kibol'e. Chujou chun kum dang bang'in houbung mipi Kumbul kihouna nisim 26 Tolbol, 2020 nikho'n ana um'in, kum sung'a boldoh tei ding'a tohgon phabep deisah anahi. Ahinlah, Pathen thilgon jong hintin hetman louva natna hise Covid-19 in vannoi ahin ho ling tah jeh in Guwahati khopi jong ihoudoh jou tapouvin, hijeh chun government in mipi kititkhomna mun ho aphal tahlou jeh chun Lhakao 18, 2020 (March) nikhon houbung mipi ho kom'a phat teplouva houin kaikhomna umtheilou ding dan thu hetsahna ana kibol tan ahi. Covid-19 jeh in houin kaikhomna ana umthei tahih jongle iumna cheh uva ibol thei sun'uh guitanlou taona ho thanom tah in ana kibol theiyin ahi. Alang khat a mipi houin kaikhom thei tahih jongle Pathen nikho seh a houin mun a taona mang jing member phabep jong aum jeh in Pathen loupina epe uve. Chuleh, kikulkhup sung'a niseh a lhagao annpha-pha a eina vah uva khopi sung'a houlhacha ho chung'a jong kipathu iphong uve.

Thu-le-la boi henlang neh-le-chah hahsa jongle houbung miten pehdng'a lomho aphatcha-a tanglouva cash/bank transfer hijongle ipeh thei jal'un, kiloikhomna tampi boui jongle, KWSG vang houbung mite kipalna jal'in inakalsong jing thei nalai uvin, Pathen ithangvah uve.

Chuleh Pathen in achate taona asan jal'in Ellha akon chun ol-ol in Pathen houkhom angaiya bang'in ahung chejom thei kit tah jeh in Pathen ithangvah uve.

Kumbul akon tuchan'a itohdoh hou leh tohlouva umho houbung mipi het theiyin achomlam tah in anoiya hin akintah lang'e

### **A. Kumbul kihou nia tohdng'a phatsah ho:**

#### **Agenda no 2: Houin semphat na ding'a budget koi ding thu:**

Houin hi akisah a pat kum 10 ahung val tah jeh in, sum tampi lut a semphat ding angaicha tampi aum tan, hijeh chun Executive in semphat ding'a lom ho ahin vet uva natoh apat na thei diuvin dangka lakh 2 tukum sung'a dia phal anahi toh lhon in Houin chung govatna aum ho sempha ding'in Mistry akigoiyin, October 2nd week sung'in toh chai ahi tai. Chuleh, Nov'20 lha sung'in Chruch painting leh Bathroom tiles fitting ana kibol'e.

#### **Agenda no 4: KWS(G) workers' salary punbe sah ding thu:**

Alhangpi in lhalo kalsah ding hi mipi akinom soh keiyin ahinlah, iti lamdol'a kalsahbe thei ham ti ho achen-achai hin kholtoh / vettoh ding'in Executive sung'a “Pay & Allowances Committee” a sem uva, hichu Executive kilolna a thuluhna anei uleh Jan'2020 apat a chepi jeng ding in phatsah anahi e.

GBM in Executive hon committee ana sem diuva nganse ahi jeh in, nisim 9, Bolte 2020 nikho chun Executive in ana kiseikhom kit in ahi. Tukum hi pastor term kichai kum ahi ding toh lhon'a, Pastor Selection Committee thu half yearly meeting teng seiding phat ahi tah jeh in, pay & allowances committee pa hi chomkhat khongaiya, tukum sung joh a lhalo iti kalsah joh ding ham tiho kigel khom tadi hen tin pha ana kisajo tai. Chutoh lhon chun phat chomkhat tukum sung ding'a bouva lhalo iti kalsah be ding dan thu akisei khom jouvin HRA, DA etc ti sang in agomsop'a sem ding in pha akisan, hiche toh lhon chun Jan'20 apat a lhacha teni lhalo anoiya bang hi tading'in phatsah ahi tai.

- Pastor : Rs34,000/-
- Care Taker: Rs 13,000/-

### Agenda no 5: Houin sung'a AC to ding thu:

Dangka lakh 5 sanctioned ana kibol in, ahinlah covid jeh in maban ana kichal thei tapoui. Hijeng jong leh tun AC to thei nading'in Ventilation ho akihuh bing gam tai. AC suhto na ding'a internal wiring jong aumsa ahi ti lamkai masaho akon hetdoh ahi. Chuleh AC Project a ding'in tuchan in dangka 7000 member phabep akon in akimu tai.

### Agenda no 16: KWS Azara toh kisai.

- c) **KWS Azara ding'a full time pastor:** Alhangpi a pastor khat solpeh din phatsah ahi in, ahinlah achen achai Azara lamkai hotoh meeting aum teng aseu diuvin pha akisai. Chutoh lhon chun, KWS Azara lamkai hotoh kihoutoh jouvin pastor Azara lhalo kipe ding lah a dangka 10,000/- lhaseh a (Apr-Dec'20) KWSG in ato ding'in kinopto na ana hi tai.

### Agenda no 15: Pastor Sunday:

Ellha 18, 2020 (October) nikhon khopi sung'a KWSG member ordained pastor jouse hop in Pastors appreciation day ana kimanpi in amaho pachat naleh kipathilpeh in Memento jong hopdoh anahi.

### B. Pathen nikho kilhe khen dan

KWSG in ana chepi jing bang'in kum sung'in anoiya kipe cheng hi akibol jom peh e.

1. 1 <sup>st</sup> Sunday	Birth Day Blessing Prayer
2. 2 <sup>nd</sup> Sunday	Youth Sunday
3. Last Sunday	Anniversary Blessing Prayer
4. Every 5 <sup>th</sup> Sunday	Sacrament Service

### C. Naopuina kin:

Kum sung'a houin a KWSG Pastor in naopui na kin ana bol ho.

Nao min	Apen nikho	Akipui ni
1.Neingaikim Khongsai D/o Pa Janglal Khongsai	22/05/2019	12/01/2020
2.Jvy Kamgunhao Haokip S/o Pa Satmin Haokip	16/12/2019	01/03/2020
3.Lamnunhoi Chongloi D/o Pa Songkhohao Chongloi	08/02/2020	23/08/2020
4.Esther Lamlalnei Khongsai D/o Pa Lamtinhang Khongsai	05/01/2020	30/08/2020
5.Seihaolal Haokip S/o Pa Mangtinlien Haokip	02/11/2020	20/12/2020

### D. Twilut nakin.

Christa thina, akivuina chule athokitna tahsan photchet nan nisim 22/11/2020 Pathen houkhom kichai in Rev. Akhai Touthang, Pastor, KWSG kin thempu in anoiya cheng hi twi ana lut sah e.

1. Deisy N Doungel D/o Pa Khupmang Doungel
2. Anna Lhinghoiching Lhouvum D/o Pa Seigoumang Lhouvum
3. Lamneingai Touthang D/o Pa Doukholen Touthang
4. Grace Hoinunmawi Haokip D/o Pa L Mangkhohao Haokip
5. Neithem Singsit D/o Pa Lamminlen Singsit
6. Joyce Nemnunmoi Lhungdim D/o Pa Zamkhopao Lhungdim
7. Seth Paogouchungnung Guite S/o Pa Garym Ngamkhomang
8. Prem Khaigougin Kipgen S/o Pa Tongkothang Kipgen
9. Kamminthang Kipgen S/o Pa Lhunkhomang Kipgen
10. Samuel Lungoulun Haokip S/o Pa Tongkhomang Haokip

**E. Hou dan theng'a jinei ho:**

Kum sung'a houbung member hou dan theng'a kichenna kin ana neiho.

1. Lhaineithem Haokip le Dr Shonsan Koireng (17/04/2020)
2. Seiminlal Changsan le Dr Nenglamhoi (28/10/2020)
3. Lhaineihoi Haokip le Kamminsat Haokip (03/11/2020)
4. Awilui Veikhohing Guite le Lhunkholal Guite (16/12/2020)
5. Daniel Lhungdim le Nengkhovah Touthang (19/12/2020)

**F. Covid-19 jeh a kingon suh-hai ho:**

1. CKWS Khanglai 2020
2. Nute Spiritual Enrichment Camp thu:
3. Youth Seminar leh Youth Day 2020.
4. Sunday School Camp.

**G. Covid Fund (9/5/20):** Covid-19 lockdown sung'a genthei hahsa toh ho panpi na ding'in Executive in Covid Fund ding'in dangka 50,000/- ana kiphatsah e. Anoiya chenghi Covid kithopina ina hopdoh hou ahi.

- a) **KWS Ernakulam:** KWS(E) lamkai hon Covid-19 boina jeh a Company a natongho inlang chedoh theilou ho ding'a neh leh chah, umna gena ding suhtupna ding'a sum ngaichat nathu ahi sei utoh lhon in Lhakao 24, 2020 (Mar) nikhon CKWS lamkai hon jong KWS Unit apanpi thei hon kiphalna kham cheh tokhom ding'a tepna ahin nei utoh lhon in KWSG lamkai cheng in phone a lungel seikhomna ana kinei jouvin dangka **10,000/-** Covid-19 fund a kon in ana kithotdoh tan ahi.
- b) **Burma akon Chin Theologian ho:** Nisim Lhatun 16, 2020 (Apr) nikhoa sopi Burma gam mi Chennai a Bible simho Lamka Guest House, Ghty a tangden ho chu lockdown suhjom ahi tah jeh in Guest House umna leh neh le chah 48000 lang lut ding ahi ahin ti uvin, ERC ten Rs 20,000/- akithopi thu u jong ahin seiyun, avat nalai Rs 28,000 hi KWSG lamkai ho kom a kithopina thu ahin seiyuh toh lhon'in, lamkai cheng in phone athu ana kisei khom in ahi. Lockdown jeh a bouina toh aninia pungcheh<sup>2</sup> thei dinmun ahi tah jeh in panpina tampi in kipang nom lheh jong leh ahitheilou ding jeh in Rs. **10,000/-** KWSG min in anung-ama thu seilouva kithopi din phatsah ahitoh lhon'in ana kithot tai
- c) **Assam Covid Relief fund donation:** Covid-19 jeh a nelou-chalou ho houin mun a neh le chah themcha cha hijongle hop peh akinom lheh in ahinlah hiche ho bolna ding'a governmet phalna lah a protocol/SOP etc phatah jui angai jeh in, ahahsatna tampi aum tan hijeh chun, ana kibol thei tapon ahi. Eihon isatah uvin panla thei hih jongleu hen Assam government in hitobang'a genthei ho kithopina ding'a "Assam Arogya Nidhi" kiti abol uva pan kila taken tia lamkai hon nisim Lhatun 16, 2020 (Apr) kinoptona akinei toh lhon in Rs **10,000/-** ana kithotdoh tai.
- d) **Pi Lhingnem Lenthang:** Lhatun 21, 2020 (Apr) nikho in houbung sunga Pi Lhingnem Lenthang hi alangbei ahitoh lhonin lockdown sung'in khatle ni in kithopi na anabol tajongleh KWSG mina kithopi na bol ding'a pha akisah toh lhon'in Rs **2000** ana kipen ahi.
- e) **Pa Kaikholal Haokip:** Kumbul laiya gari accident ana to jeh a office a join theilou jeh in lockdown lai tah in lhalo ana mu theilou thu KWAG lamkai hon ahin hetsah utoh lhon'in nisim 22/07/2020 nikho in Executive cheng in phone a kihoutohna akibol jouvin Covid Fund a kon'in Rs **3000/-** kithopina in ana kithot e.
- f) **(L) Rev Chinsuanmang Hangsing:** Pakai lhacha pun adalah aji-achate lhamouna taona nisim 26/07/2020 nilhah in Executive leh KSO lamkai cheng in aga kibol peh in chuleh adalah insung mite panpi na in Rs **5000/-** ana kipe e.
- g) **Covid-19** lockdown sung'in lamkai cheng'in, in thum vilna le kithopina jong ana kibol'e.

## H. Kithopina kipe ho:

- a) **Chahsat Kithopina:** KWAG in Chahsat relief chung chang thu sei na ding'a meeting akou nilhah uva, mipin aphatsah bang'in KWSG min'in pan akinom in chutoh lhon chun khosung'a inn atamjo kihal lha ahi jeh in, special case a, Rs 30,000 to ding'in Lhakao 23, 2020 (Mar) nikhon lamkai cheng in pha akisah in, chutoh lhon chun KWAG ho kom'a pehdoh ana hi tai.
- b) **Assam Flood Relief Fund:** Executive in phone a kihoutoh jouva pha asah bangin, nisim 22/07/2020 nikho in Rs 10000/- hi World Vision Relief Department ho khut a Assam flood relief fund a ding'in ana kithot e.
- c) **Dr Naomi Doungel:** Nisim 30/08/20 nilhah in phat sottah damlou a ICU umjing Dr Naomi chu Vice Chairman leh Pu Khupmang Doungel, Ex Chairman in aga vil hon in, chuleh KWS min a Rs 2000 ahin vet na lhon hi houbung in le din phatsah ahi.
- d) **Rev. J Mang Doungel:** Hospital a kon ahungdoh jouvin Executive in nisim 13/09/2020 houin kikhen in a-inmun a taona aga kiman peh in chuleh ama vetna in Rs 2000 akipe e.
- e) **Rev. Dino L Touthang:** Rev Dino L Touthang, Member Emeritus, CKWS nisim 23/09/2020 a Brain Stimulation Surgery, Fortis Hospital, Gurgoan a operation akibolna chung'a lamkai cheng in lungel akisei khom in, Pakai lhacha ahi na ban a KWS Founder khat jong ahi jeh chun KWSG in jong sum le paiya themkhat beh panpi ding akinom jeh chun Rs 10000/- ana kithot peh e.
- f) **Rev. Thengmang Kipgen:** Hospital a kijen joulouva immun a kijen ahi jeh in Executive in nisim 15/11/2020 houin kikhen in a-inmun a taona aga kiman peh in chuleh ama vetna in Rs 2000 akipe e.

## I. Lhamon taona/Ingoh vilna:

Pathen thilgon patche dung jui in 2020 kum galkai jou talouva Pa kom choldo ding'a chemasa sopi ule nao in adalhah insung mite ho lhamoun thei nading'a taopeh nale tilkhouna Houbung min in kalson na thei chana ingoh vil aga kibol e. Ahinlah, Covid bouina jeh in vil joulou jong aum'in, iki hetthem maidiu hitan te.

SL. No	Name	Athini
1	Pu Semkholet Khongsai (84yrs) F/o Nu Niengboi Khongsai	11/01/2020
2	Pu Selkhopao Doungel (94 yrs) F/o Pa Khupmang Doungel	06/02/2020
3	Pi Tingjaphal Khongsai, Saikho Village (Pa Haopu Khongsai nulen)	28/03/2020
4	Pa K. Jamkhogin Chongthu S/o Lt. K. Mankhothang Saiton Village (Gl. Mangcha Kilong ding'a apalen chapa)	01/04/2020
5	Pu Mingkhayei Mahak (97 yrs) F/o Nu Angam Haokip	10/04/2020
6	Pu Hellun Khongsai F/O Demginlal Khongsai	12/04/2020
7	Pu Lunkhohen Singson (95 years), KMC (Gl. Pupu Singson ding'a apu)	16/04/2020
8	Pi Ngaijalhing Baite, T. Lailoiphai Village M/o Nu Hahat Baite, Narengi	26/04/2020
9	Pu Jangkholun Baite, Sugnu, F/o Gl. Lhunminthang Maxmin Baite TISS	30/04/2020
10	Pa Paojangam Khongsai, Nagaland (Pa Thenmang Thangeo paneo)	20/05/2020
11	Pu Ngamkhopao Haokip F/o Pa Seiboi Haokip	02/06/2020
12	Ni. Lamjahat Doungel (63yrs) T. Vangkho, Mahur (Pa Letkhosiem Doungel nuneu).	02/06/2020
13	Pa Douminlal Lenthang H/o Nu Ching Lenthang	11/06/2020
14	Pu Khupjaneh Guite F/O Pu Nehhao Guite (Gl. Pajang Guite apu)	03/07/2020
15	Pa Thomthang Singson, Haflong F/o Ng Judy Singson	12/07/2020
16	Nu Lamkim Lenthang, Karbi Anglong (Pa Khupmang Doungel unu)	13/07/2020
17	Pu Ngulkhothong Haokip, (Pa Peter Haokip palen)	07/08/2020
18	Nu Ngaijaneng Khongsai M/o Nu Kimcha Khongsai)	14/08/2020
19	Pa Paoboi singson, Haolenphai Moreh B/o Pa Kailen Singson	17/09/2020
20	Pi Kimjahat @Hatnu Doungel (94 yrs) M/o Pu Khupmang Doungel	06/10/2020

SL. No	Name	Athini
21	Upa Doulen Singson (75 yrs+), Songpijang F/o Nu Neisi Haolai	11/10/2020
22	Rtd. Pastor Tonga Khongsai F/o Pa Paominlun Khongsai	01/11/2020
23	Pu Ngulsat Khongsai (75yrs.), Karbi Anglong F/o Gl. Allen Khongsai	02/11/2020
24	Pu Thangkholam Singson F/o Pu Lunjalal Singson	08/11/2020
25	Pu Chungjalal Singsit (72 yrs), Langgol (Upa Manglun Singsit sopi)	30/11/2020
26	Pi Lhingjakim Haokip (94 yrs) M/o Dr. D. Letkhojam Haokip	08/12/2020

#(Ls) Pa Douminlal Lenthang hi KWSG Cemetery a KWSG Pastor thempu hina a ana kivui ahi.

- J. Lamkai kikhel:** Pastor Haopu Haokip, S/S Supdt., Pu Manglet Haokip, Finance Secretary leh Pa Thangneo Haokip, Auditor Imphal lam'a transfer anache tah jeh uvin, Executive in amaho cheng panmun cheh khel ding in Pa Hensei Khongsei, Pa Haopu Khongsai leh Pa Paolet Haokip ngansena ana nei tai.

Kum kichai ding kon'a auditor teni Gl. Samuel Singsit leh Pa Paolet Haokip ani gel lhon'a transfer ache kit lhon tah jeh in Pa Henkholun Haokip leh Gl. Lamngam Khongsai Auditor ding'in tepna akineiyin, ngapdet ahi lhon tai.

**K. Houin/Hall man ding a ana kiphah peh ho:**

1. Guwhati Vaiphei Presbyterian Church hon Sunday worship bolna dinga Church hall hi January 2016 akon in amang uve. Rent man hi lhakhat a dangka 5000/- ahi.
2. Ng. Lhainei Haokip Ihahdohna kingon- 2<sup>nd</sup> Phalla, 2020
3. Gl. Kamminsat Haokip leh Ng. Lhainei Haokip kichenna- 4<sup>th</sup> Phallha, 2020.
4. Gl. Maunte Hansing leh Ng. Lalrinawmi Hnamte kichenna- 16<sup>th</sup> Tolbol, 2021.

**L. Toh bangkhai:**

- ✓ Church society registration
- ✓ AC installation project

**M. Lamkai ho hetding'a poimo:**

- KWSG in Sanga moun inn lhaseh a Rs 5500/ kipe hi assembly kilolna ahin, suhjom dingle suhtang ding assembly khut a aum'e.
- Baptism Pool hi aman hijat mong ding tia kitanlou ahi jeh in, amanghon akiphahna kham bou apah jiu ahi. Rent fix bol ding dan Executive khut'a kingam'e.
- 2016 akon in Sunday maicham jouse Mission dept peh pan din GBM kilolna ahi.
- 1<sup>st</sup> Sunday hi Mission Sunday a kimang ahi in, offering jong Mission dept ho chang ahi.
- 2<sup>nd</sup> Sunday hi Youth Sunday a manding'a GBM kilolna ahi toh lhon in Sunday offering jong youth department ho akipe jin ahi.
- KWS Shillong toh nisim 30.10.2016 nikhon KWSG houin a Joint Fellowship ana kibol'in, KWS Shillong te jong gavil teiyin phante.
- KWS Kolkata houin sahna ding'in sumpa Rs 1,00,000/- 2013 kum in ana kipe, hiche lah a chun 2016 kum in Rs 50,000/- ahin lepeh uvin, Rs 50,000/- abang khai pen hi 2020 kumkim kihouna in mipi phatsah dung juiyin KWS Kolkatta houin sahna a pan lahna joh a seilnah anahitai.
- KWS Happy Valley houin mun chohbe nading'a sumpa ahung thum utoh lhon'in Rs 5,00,000/- sumpa in ana kipe e.
- Care Taker term hi 2021 a kichai ding ahi tai.
- Rev Akhai Touthang KWSG Pastor term hi kumkim kilolna dung juiyin kum khat akijop sao be e (w.e.f 23/01/21 to 22/01/2022).

**N. Mipi thakon:**

Christmas leh New Year Committee (2020-21) ho lamkai na in houin compound suhteng na ding'in thakon ana kibol'in boundary wall jong white paint ana kibol'e. Chujongle, church gate a glossy banner jong ana kitungdoh e.

**O. Danbu velvet na:** 2019 kumbul leh 2020 kumkim kilolna bang in executive in Danbu review committee ding'in Rev HD Angam, Dr DL Haokip, Rev Lempu Vaiphei, Pa Thomas Haokip, Upa Manglun Singait leh Pa Haopu Khongsai lhendoh anahi in; committee hon jong draft report KWSG executive kom'a nisim Ollha 21, 2020 nikhon anapelut tauvin ahi.

**P. KWSG Azara Church Building Project:** 2019 kum in anoiya chenghi committee ding'in deisah ahitoh lhon'in ngapdeh ana kibol tai.

- |                        |                         |                               |
|------------------------|-------------------------|-------------------------------|
| (1) Pa LT Kuki         | (2) Rev. Lempu Vaiphei  | (3) Pa Haopu Haokip(Airport), |
| (4) Pa Helhun Kipgen   | (5) Pa Khupmang Doungel | (6) Pa Letcha Haokip          |
| (7) Pa Janglun Singson | (8) Pa Ngamjahao Kipgen | (9) Pa Kailen Singson         |
| (10) Dr DL Haokip      | 11) Pa Tonglen Hangsing | (,12) Dr Angam Haokip         |
| ( 13) Pa Gary Munlou   |                         |                               |

Committee hon jong meeting phabep aboljouvun amaho sung'a lamkai kilhenna ana neiyun, chuleh hiche project penhi tohmolso ahi theina ding'a Mission project a nei ding'in jong pha akisai. Chutoh lhon chun project bidoi chepi nathei ding gam mun 7 anave uvin, aphant nale asetna ho vettoh ahi jouvin, hiche gam 7 kive lah a chun, KWSG Executive, KWS Azara Executive leh Committee ho kinopto na dung juiyin Rani, Palashbari Revenue Circle mun, lampi komcha a 6 Bighas, 03 Kathas, 19 Lechas lhendoh Anahi tai. Hiche mun chohdohna ding'in agam neite toh kihouna aum jouvin aman hi @Rs 8.5 lacs/Bigha ding'in pha akisan chutoh chun nisim 6th Dec'20 nikho'n gam chohdoh na ding'in kinoptona soi ana kikaiyin chuleh dangka 15 lacs jong gam neite ana kipe masa tai.

A chung'a cheng hi houbung mipi hetheiya thulhut geldoh thei sun hintin, haimil aum khah leh kingaidam ute. Pathen in napha tong theiya phat leh nikho eipeh laiyn thanom tah in ipanna thei cheh uva pang jing ute tia jong kahin tem kit uve.

Achaina in kum sung'a sum hunglut danhi 2019 toh ivetkah leh jakhat lah a akum-akal dan anoiya bang ahi.

Head	%age (+/-)
Hopsom	4 %
Maicham	- 19 %
M Box	7 %

2019-20 Executive tohkhompi thalheng'a hiche KWSG 2020 kumlhun thulhut hi Pathen ngailutna dongpum'in tuni 31<sup>st</sup> Tolbol, 2021 nikho in houbung mipi het ding in koi ahi tai. Department ho thulhut jong anoiya akipe e.

Pathen in kumlhung keiyin eimapui jing tau hen!

Pa Haopu Khongsai,  
Secretary KWSG

**KUKI WORSHIP SERVICE GUWAHATI  
WOMEN DEPARTMENT REPORT 2020**

Amasan phat pha ei peu Pathen thangvah in um hen.

**A. NUTE IN KI BOL A KI CHEPI JING HO: -**

1. GL. Kamminlal Haokip Theologian Student Ihaseh a Rs- 4000/-kipe jing.
2. KWS(G) Mission Board Ihaseh a Rs- 4000/- kipe jing.
3. Khanglai te kikhop na a Refreshment kibolpeh.

**B. NUTE HO IN PATHEN JAL A ANA BOL DOH HO.....**

1. Guitan lou taona ni (two) vei. Ann ngol taona khat (one) vei, agom in thum (three) vei ana kinei in ahi.
2. 2nd July 2020 a pat 23<sup>rd</sup> August 2020 chan Nute ho niseh in lhagao ann pha tah<sup>2</sup> in ena kivah uvin ahi.
3. Nute hon tukum a nao kivet doh jat- 6 (gup).
4. Nu Chongboi Phangcho hi kumbul kilolna dung jui jin ni vei khutsip anchang peh ana ki petai.
5. Nute hon 22/05/2020 ni in Bible pumpi ana ki sim chai in ahi.
6. Lockdown sunga KWS-(G) Nuten kithopi na kipe ho...
  - a) Elim Resource Ministry Rs. 2000/-
  - b) Nu Chongnu Singson Rs. 2000/-
  - c) Nu Lhingnem Lenthang Rs-2000/-
  - d) Late Pastor Chinsuanmang Hangsing family Rs.2000/-
7. Mother's Day speaker Rev. Thanglal Haokip Kipa thilpeh Rs-1000/-
8. Pathen jal in Nuten Special Child ni (two) visit ana kibol in ahi.
9. 9<sup>th</sup> September 2020 ni in Unao Joint Fellowship meeting Pillangkata a Nu Rosy In mun a ana um in KWS-(G) Nute in jong pan ana kila in ahi.
10. KWS-(G) Nuten 26/08/2020 ni in 2<sup>nd</sup> October nikho hi All India KWS Nute jouse Esther Ann-ngol Taona a man ding in CKWS kom ah ngehna lekhathot ana kibol e. CKWS in jong 14/09/2020 ni in Esther Ann-ngol Taona hi kumseh a man ding a phatsahna ahin nei u toh lhon in KWS-(G) in jong lolhing tah in ana kimang in, hiche ni a offering Rs.3255/- kimu chu IEM Bible translate bolho kithopina in to ana hi tai.
11. Date 22/9/2020 ni in Rev. Dino Touthang (Delhi) damlou jeh a sum tamtah lut a operation ana kibolna chungah KWS-(G) Nuten Jong kithopi na Rs-5000/- ana ki pen ahi.
12. Nungah Lhainei gollhahna a KWS(G) Nute in ngailut thilpeh anaki pe in, Chuleh golvahna a jong saipikhup khat ana kisil peh e.
13. Kumbul kilolna ding jui jin Pastor te family visit ana kibol in ahi.
14. Pastor ho le lhagao ann hom ho chule kumlhun thil choi khom ana ki pe je Ministry, amaho chu ngailut thilpeh ana kipeh in ahi.

**C. NUTE HO PUON: -**

1. Nuten puon tua um jat 12 ahi.

**D. COVID-19 JEH ANA KIBOL THEI LOU HO...**

- a) Unao Joint Fellowship.
- b) 3rd and 4th April 2020 a ana umding Nute Camp.

**Nu Nengboi Kipgen  
Secretary, Nute**

**KUKI WORSHIP SERVICE GUWAHATI  
YOUTH DEPARTMENT  
2020 KHANGLAI REPORT**

Kumbul khanglai GBM a 2020 kum sunga tohdoh dinga agendaho Covid 19 jeh in vohhai ana hisoh tai, ahin January 2020 apat March 2020 Covid19 Lockdown masang jep, lockdown sungse chule kum lhun kon langa Lockdown ima ahung kihon jou normal ahung hi a khanglai in pan ana lahna ho anoia hin phabep ahung kijihdoh e;

- Pathen jallin Worship Team nasatah a semphat le suhtup be in aummin chule program a akimin chonna jouse a pan ana kila jom jing theie. Worship team member jouse chung'a kipa thu aki seie, amaho jalla I hou pau Pathen nomtah leh phatah a vahchoi theia aumma chule loupina achan jing thei jeh in Pathen in ale tamjo in phatthei boh jing tau hen.
- Youth department hung um a pat Youth English worship service hi every second Sunday toh fifth Sunday a ana kibol chu every month a fifth Sunday um ahi lou jeh in kikhop sutjom ahithe na ding'in kum 2020 apat every 2<sup>nd</sup> Sunday le 4<sup>th</sup> Sunday of the month seh leh nei ding'in anakiboldoh in ki khom jong ana kikikhom pan ngal tan ahi.
- 04/11/2020 ni in nungah Lhainei @ Alice Pathen Hou daan theng in KWSG Houin munnah kichenna ana nei in hia chun la bung ana kila in chule kichenna ahoithe penna jepohi ahina ding'in pan ana kila in ahi.
- 23<sup>rd</sup> March 2020 apat covid jeh in vannoi pumpi lockdown ana hi in hijeh chun Houin munna kikhopna ana umthei tapon ahi. Youth department in jong iti lampenna Youth kikhop sutjom ding ham ti ana ki ngaito jing toh lhon in date 17/05/2020 Sunday 6:30 PM a pat in Zoom meeting ana kipan in every Sunday 6:30 PM seh leh ana kibol jom jing in date 29/11/2020 chan ana kibol in ahi. Youth chairman host hina in speaker jong munchom munchom apat in eitilkhoh thei diu ana kihol in ana kimang jing in ahi. Youthho in jong nasatah in aki phatchompi in ahi.
- Houbung mite lockdown jeh a kaikhom umlouna sung'in jong mipi kikhop khomna zoom le media lamsanga khanglai ten pan hatah in ana kila e.
- Houbung executive in damlou hihen hahsatna hihen ahiloule insung mi thina toh ho vilna abolji naova jong theichan in houbung lhachaho ana kikithopi ji in ahi.

**2020 SUNG'A TOHGON ANA KIBOLDOH JOU LOUHO**

- Khanglai 2020 Pune a um ding chu nasatah in lajil ana kipan in hinlah ana kiche thei ta poi.
- Solfa training cum Youth seminar nei ding ana ki gong in hinlah ana kibolthei ta poi.

**YOUTH BIBLE STUDY**

Youth bible Study hi Lock down jeh in ana kibol thei ta poi.

Youth bible Study a veng veng a eina lamkai peh ho anoia bang hi ahi;

1. SIXMILE/JAYANAGAR : MIMIN & LHINGBOI
2. MILANPUR/CHANDMARI : PAOSEI & NEMNUNTHEM
3. DOWNTOWN/DISPUR : THANGLHUN & CHONGHOI
4. GANDHI BASTI/GHY CLUB : MICHAEL & HATSY
5. BELTOLA/HATIGAON : SANGPU & MENGSY
6. SATGAON/NARANGI : MOMON & JOYCY

**Sd/-  
THANGGOMANG SINGSON  
(CHAIRMAN)**

**Sd/-  
SATMIN HAOKIP  
(SECRETARY)**

**Sd/-  
LHAINEI HAOKIP  
(TREASURER)**



**KUKI WORSHIP SERVICE GUWAHATI  
2020 MISSION DEPARTMENT REPORT**

KWSG Missionary Day 1st March, 2020 nikhon ana kimang in Pathen lenggam machalna ding'a tahsan kitepna jong anakibol in, houbung miten jong Pathen natoh nalam a pontho tahleh thanom tah a pan ilah jeh uvin, Covid lockdown sung'in imacha bouina umlouvin partnership missionaries ho peh ding'a lomho ana kipe jom jing theiye.

2020 kum sung'a Pathen lenggam a ding'a kal ishon khompiu hou anoiya akipe e;

- 1) Pu NT Zeme (Jharkhand), FMPB
- 2) Pi Mary Kim Singsit (Shillong), FMPB
- 3) Pr. Tongkam Khongsai (Assam), FMPB
- 4) Amazing Grace Ministry Asia, Guwahati
- 5) Adingiri Prayer Centre, Guwahati
- 6) Elim Resource Centre, Guwahati
- 7) Saraighat Community Church, Guwahati
- 8) Rev. Akhai Haokip (IEM)
- 9) Pi Ngailhing Haokip (IEM)
- 10) Ebenezer Ministry, Guwahati
- 11) Brahmaputra Valley Mission Field, Guwahati
- 12) Grace Children Home, Guwahati

Mission natoh nading'a sum-le-pai hunglut - M/Box, Maicham chuleh 1st Sunday offering hoa kon'a achung'a partnership missionaries chuleh kingon khohho bolna a kimang ji ahi in, tukum sung'in sum hunglut kum dang sang'in atamjon ahi. Kumthah sung'a mission natoh nalam'a kiphaltah a panla cheh kit din taona toh thon pangcheh kit ute.

2019-20 sung'a Pathen lenggam a ding'a pan ilah nahou chomkim tah a thulhut achuom in jong akihom e.

Mission Board

---

**2019-20  
KWSG Executive Members**

Emeritus Pastor	Rev M Haokhothong
Pastor	Rev Akhai Touthang
Chairman	Upa Manglun Singsit
Vice Chairman	Pa Hensei Khongsai
Secretary	Pa Haopu Khongsai
Assistant Secretary	Pa Mang'a Haokip
Finance Secretary	Pa Manglet Haokip / Pa Haopu Khongsai
Treasurer	Pa Peter Haokip
Sunday School Superintendent	Pastor Haopu Haokip / Pa Hensei Khongsai

**Mission Board**

Chairman	Pa Ngamthang Touthang
Secretary	Pa Mangcha Haokip
Treasurer	Pa David Lungdim

**Nute Kiloikhom**

Chairperson	Nu Lalkim Hangsing
Secretary	Nu Nengboi Kipgen
Treasurer	Nu Kimcha Khongsai

**Khanglai Kiloikhom**

Chairman	Gl. Thanggoumang Singson
Secretary	Gl/Pa. Satmin Haokip
Treasurer	Ng/Nu. Lhaineihoi Haokip

**KWSG ANNUAL AUDIT STATEMENT, 2020**

SI.No.	DEPARTMENT	PARTICULARS	INCOME		TOTAL (A)	EXPENDITURE		TOTAL (B)	FINAL BALANCE		BALANCE As on 31.12.2020
			CASH	BANK		CASH	BANK		CASH	BANK	
1	CHURCH	OPENING BALANCE	2,66,818.00	14,33,871.00	17,00,689.00						
		ADD: INCOME	16,01,168.00	19,95,368.45	35,96,536.45						
		TOTAL	18,67,986.00	34,29,239.45	52,97,225.45	18,06,016.00	22,41,773.00	40,47,789.00	61,970.00	11,87,466.45	12,49,436.45
			INCOME		EXPENDITURE		BALANCE		TOTAL		
2	MISSION BOARD	OPENING BALANCE	39,923.00				RECIEVABLE FROM KWS(G)	TREASURER ACCOUNT			
		ADD: INCOME	7,03,640.00								
		TOTAL	7,43,563.00		5,53,181.00	1,49,266.00	41,116.00	1,90,382.00		1,90,382.00	
3	WOMEN DEPARTMENT	OPENING BALANCE	1,35,653.00								
		ADD: INCOME	1,49,851.00								
		TOTAL	2,85,504.00		1,31,716.00	1,53,788.00		1,53,788.00		1,53,788.00	
4	YOUTH DEPARTMENT	OPENING BALANCE	41,245.00								
		ADD: INCOME	2,72,725.00								
		TOTAL	3,13,970.00		2,53,668.00	60,302.00		60,302.00		60,302.00	
5	SUNDAY SCHOOL DEPARTMENT	OPENING BALANCE	3,987.00								
		ADD: INCOME	11,044.00								
		TOTAL	15,031.00		8,477.00	6,554.00		6,554.00		6,554.00	

REMARKS:

1. Mission Board hi KWS-G Church noija Department poimo pen khat ahijeh in Separate Account Khat anei ja phatah maintain abol ding nga deisah ahi.
2. Expenditure Voucher/Bill ho leh Expenditure Bill aum theilou ho hi Chairman leh Sectetary in ahettep na a Register/Record na Signature abol ding in deisah ahi.

HELUN HAOKIP  
AUDITOR KWS(G)

NGAMPU KHONGSAI  
AUDITOR KWS(G)